





— ეგ თუ პატიოსანი პატიო, რა სახსრებით შეიძინა ველოსიპედი?

№ 19 (1269) თბილისი, ოქტომბერი 1967

სიგნალი

გამოცემის 44-ე წელი ფასი 20 კპ.





„მატარებელი № 264 ორი წუთის შემდეგ გავა პირველი ლიან-დაგიდან!“ — ჩამესმის დიქტორი ქალის ძილისმომგვრელი, კე-ლუცი ხმა.

ნაბიჯს ვუჩქარებ. ორივე ხელი საახალწლო ნაძვისხეხავით მაქვს დახუნძლული. უკან ბოშა ქალივით აჭრელებული და მძივებით გაკოჭილი ცოლი მომდევს. ხელში მხოლოდ სათამაშო კარტი უჭი-რავს. შიშით ველი, როდის დამიძახებს: — ხაზენ, მოიცა, გიმკით-ხაო!

გაჭედვით ბაქანი ფერდებში იდაყვების რტყვით მხვდება. მე ვერც ვგრძნობ ამას, თითქოს ასეა საჭირო. და უცებ ხელის ფაქიზი შეხება კი მაკრთობს, გვერდზე მახედებს.

ჩემს წინ ათი წლის უნახავი, ფრესკასავით გაცრეცილი თანა-კურსელი დგას. სახეზე ოლიმპიური სიმშვიდე აღბეჭდვია. მორცხვად მიღიმის.

— ვაჰ! — აღმომხდა გულახდილად. — შალვას გაუმარჯოს, და-კარგულ ძმას!

ეს ემოცია საკმარისი შეიქნა, რომ კისერზე ჩამომკონწიალე-ბოდა. თითქოსდა, მაკლდა სიმძიმე.

— რას შვრები, როგორა ხარ, სად მუშაობ, სად მიდიხარ? — მაყრის საფანტივით.

ეს მინდა ასლა მე?! მე შენ გეტყვი, რამეზე წამოგიკრავს ხელს, ლანდი გასდის ყურებში.

— შენ თვითონ როგორა ხარ? — ვაძლევ კონტრკითხვას და თან ვაგონისკენ მივიწევ. მირჩევნია, თვითონ ილაქლაქოს.

— რაიონში ვარ. — მომდევს ფეხდაფეხ. — ხომ გაგიგონია: რაიონში გააწესეს, ცალი წვერი გაპარსესა. პედაგოგიურ ფრონტზე ვმოღვაწეობ. ამ წუთში ჩამოვედი. კურსებზე გამომიძახეს. რას იზამ. ვიმადლებთ კვალიფიკაციას!

— რას ასწავლი? — ანგარიშშიუცემლად ვეკითხები. ისე, სულ არ მაინტერესებს, რას ასწავლის. მე ჩემი გაჭირვება მაქვს. თუმ-ცა, რას უნდა ასწავლიდეს ფილოლოგი კაცი.

— ფიზიკას, ქიმიას, გეოგრაფიას! — მიპასუხებს ამაყად. — მეორე მეოთხედიდან ისტორიასაც დამიმატებენ!

მე გაკვირვების თავიც არა მაქვს. მედუდუკესავით ლოყებდაბე-რილი ძლივს ვიცილებ ბარგს სხეულის სხვადასხვა ნაწილიდან. ცო-ლი ჩემს გამცდნის ისარივით უყრის მხერგს და მსუბუქად არბის მა-ტარებელში.

— გეომეტრიაზე როგორა ხარ? — თავისით იბადება ირონია. თან ოფლში გახვითქული ბარგს ზევით ვისვრი.

— გეომეტრიაც მქონდა, მაგრამ სხვას მისცეს. — ხმაში წყენა დაეტყო — დამსახურებული მასწავლებელია. არა უშავს. მალე პენსიაზე გავა და ისევ მე დამიბრუნებენ.

მატარებელი დაიძრა. მე ბოლო საკვოიას ძლივს ვაგდებ ზევით და მილასლასებული კიბეზე ვჯდები.

— კი მაგრამ, ქართულმა რა დაგიშავა, შენმა სპეციალობამ? — ვუსვამ ზევიდან უკანასკნელ კითხვას.

— ქართულს დირექტორი ასწავლის. — მომძახის იგი და მრავალმნიშვნელოვნად მიღიმის.

ჩვენ შეყვარებულებივით ვუქნევთ ერთმანეთს ხელს.

ჰარი ჰარალი

არ მიყვარდა მარტოობა,
არც მომწონდა, არა და...
რა ვიცოდი, თუ შინ ცოლი
დამტოვებდა ძალადა.

მეფერა და მეაღერსა,
რომ მიყელა წამითა,
ტურისტული მატარებლით
უცებ სადღაც წავიდა.

ოჯახში რომ მარტო დავრჩი,
თავი მოვიმოახლე,
ქალის შრომაც დავაფასე,
საქმეს ხელი რომ ვახლე.

საკუთარი სმა-ჭამაც კი
ხათაბალა გამიხდა,
ამ დილაზე, ჩაის სმის დროს,
ბოლო ჭიქა გამიტყდა.

ერთხელ გაზმა წინსაფარი
გამომიწვა თარგივით
და კინალამ, სახლთან ერთად,
გამოვიწვი თავგევით.


უთო რასაც დავაყარე,
შეეტრუსე და ავლანძღე,
მერე, ცოლზე გულმოსულმა,
მეზობლები დავლანძღე.

ოთახს რომ ვგვი, ქეჩზე მდგარი,
დავლურს ვუვლი „ტვისტივით“,
იატაკზე დავსრიალებ
კარგი ჰოკეისტივით.


ამ სარეცხის მანქანამ ხომ
გამაგიჟა კაცია,
რაც ჩავყარე გასარეცხად,
ნაფლეთებად აქცია.

ჭუჭყიანი ჯამ-ჭურჭელით
ამოვავსე კარადა...
აი, ასე დაიწერა
ეს პატარა ბალადა.

პრიგოლ ჩიჰვილაძე



ნახ. ჯ. ლულუასი



— მს ბავშვები ვის ღამისასწავლან სიმალეში?
— ვის ღამე, მარა ღამაღამიანში მყამს გავრდილი.

ს ზ ა ლ ა „ ნ ა ს ა ნ ლ ე ”

შ ე მ ო ვ ლ ი ს ა ს ექიმი ერთი წუთით შეჩერდა ფოტინეს საწოლთან. ლათინურად უნდოდა, მაგრამ „ღმერთი“ ველარ გაიხსენა და ისევ ქართულად თქვა: რას იზამ, მი ტოჟე ნე ბოგიო.

— ჩემი წვალუბა კი მორჩა, მარა ამ ხალხს რა ეშველება, ნამდვილად თავმდაბლობა დაღუპავთო, — უკანასკნელად ეს გაიფიქრა ფოტინემ და თვალები დახუჭა.

* * *

ის იყო კარზე მიყუდებული კუბოს თავი ეზოში ჩაიტანეს და ოთხი ჯანიანი ნათესავი თვითონ ფოტინეს ასაწევად მოემზადა, რომ ოთახში ჩქარი ნაბიჯით, ოფლის წმენდით ორი უცნობი შემოვიდა.

— კუბო უნდა წავიღოთ! — მოკლედ მოჭრა ერთმა.

— როგორ გეკადრებათ, ჩვენ თვითონ, — უცხო ხალხის შეწუხებას მოერიდნენ ჭირისუფლები.

— ო, თქვენ ვერ გაგვიგეთ, კუბო სხვისია და პატრონს უნდა წავუღოთ, დაკრძალვის სამსახურის ტრესტიდან გახლავართ! — ელეგანტურად წარუდგინა თავი ჭირისუფლებს მეორემ.

— აშიბლის, თქვენ კუბოში 16 მანეთი

და 50 კაპიკი გადაიხადეთ, ასე არ არის? — ასე გვთხოვეს! — დაუმოწმეს ჭირისუფლებმა.

— აი, ხომ ხედავთ? ნიხრით ეს არის ქაღალდგამოკრული კუბოს ფასი. თქვენს კუბოს კი გარშემო შავი მატერიის პლისე აქვს შემოკრული.

— კი, მაგრამ ჩვენ არ მოგვითხოვია პლისე, — ერთბაშად დასაწყლებული ხმით სტადა შეპასუხება ერთ-ერთმა ჭირისუფალმა.

— ადვილი შესაძლებელია არ მოგიტოვიათ, — სულგრძელად დაეთანხმა აგენტი, მაგრამ პლისე ხომ სახეზეა?!

ამ ლოგიკას სად წაუვიდოდნენ: პლისე ნამდვილად სახეზე იყო...

— სწორედ ეს პლისე ჯდება 23 მანეთი და 20 კაპიკი კუბოს ღირებულების ზევით, — საკუთარად გახსნა და რაღაც ქაღალდზე მიუთითა დაკრძალვის სამსახურის წარმომადგენელმა, — ა, ბატონო, ნახეთ!

ცრემლგამშრალი ჭირისუფლები ერთმანეთს მიჩერებოდნენ და აღარ იცოდნენ რა ექნათ.

— კუბო უნდა წავიღოთ! — დაარღვია სამარისებური სიჩუმე მომხდურმა, — ამოასვენეთ მიცვალებული. თქვენს 16 მანეთიან და 50 კაპიკიან კუბოს სადამოს მოგიტანთ,

ამ კუბოს მისი პატრონი ელოდება. კ საჟალენიუ, შევცდით, ამოასვენეთ მიცვალებული!..

ოთხმა ჯანიანმა ნათესავმა თითქმის ერთდროულად უადადგა ფეხი მოსულებსკენ.

— კუბოს დატოვება შეიძლება, — გასასვლელისკენ გაიწია დაკრძალვის სამსახურის წარმომადგენელი, — შეიძლება, თუ აგვინაზღაურებთ განსხვავებას, ანუ მატერიის საფასურს, სულ რაღაც 23 მანეთი და 20 კაპიკი, უსიამოვნებად არ ღირს, ესეც ხაზრით, თორემ ამ კუბოს, ძმაო, მისი პატრონი ელოდება, რას ვერჩით, ისიც კაცია, ცოდოა!

გამოსავლის პოვნით გახარებულმა ჭირისუფლებმა შევებით ამოისუნთქეს.

საწყალ ფოტინეს, რომელსაც მთელი თავისი ხანგრძლივი სიცოცხლის მანძილზე არ უხმარია არც პლისე, არც გოფრე და ასე განისჯეთ, მერეაჟიკი კი, დაკრძალვის სამსახურის „პატარა გაუგებრობის“ წყალობით, ერთბაშად აუნაზღაურდა დანაკლისი.

ნარგიზა მგელაძე

— დიდი წუწურაჲ ვინმეა შენი ძმაცაჲ პართენა, — ზმირად ეუბნებოდნენ გოგიას ნაცნობ-მეგობრები. — კაციჲ ვერ დაახარჯინებ, მაგის დაპატიჟებული კაცი არავის უნახავს, სხვის სუფრაზეჲ კი პირველი წამოსკუბდება და კაი ბრტყელ-ბრტყელ სადღევრძელოებსაც ამბობს.

გოგიას სწყინდა, პართენას ქვაწვიობაზე რომ ჩამოაგდებდნენ სიტყვას, მაგრამ რა ექნა, თვითონაც კარგად იცოდა, რაც ზვითო იყო მისი ბავშვობის მეგობარი.

ერთ მშვენიერ დილას მშვენიერი აზრი დაებადა გოგიას. მან პართენა მოიხმო და უთხრა: კაცი, ქვეყანას რომ ალაპარაკებ, პართენა უპურმარილო და დამწვარი, მოდი, ერთი დაამახსოვრე მაგ ხალხს შენი სუფრაჲ; აჰა, შენ ფული, მე გაძლევ ჩემსას, ბატონო, და ამ საღამოს დაგიპატიჟებ რამდენიმე კაცს რესტორანში; ნახარჯი შენ გადაიხადე ყველას თვალწინ და მერე აღარ ექნებათ სალაპარაკო...

მიუჯდა გოგია ტელეფონს და ამხანაგებს შეატყობინა თავი მოვიყაროთ ამ საღამოს, პართენა გვაპატიჟებს რესტორანში. პართენამ პურ-მარილი იცისრაო, და ვინ დააყლდებოდა ამ უჩვეულო ამბავს? უკლებლივ მოიყარეს თავი რესტორნის კარებთან, თან გაკვირვებით ამბობდნენ: ან შექანდა მაგ უბედური და, ან საივდილოს მოახლოება თუ უაზრა ტანმო.

გამოჩნდა ბოლოს პართენაც. შეხედა გოგიამ და გაოცდა: კაცის ფერი არ ედო სახეზე საოცრად, ქვედა ყბა მოღრეცოდა, თვალუბი ამღვრეოდა. მოვიდა, გოგიას მკლავში ხელი გამოსდო და გფურღვე გაიხმო: რა გჭირს, ბიჭო, ავად ხომ არ ხარ?! — ჰკითხა გოგიამ.

— რას მიშვები, კაცი, თუ იცი შენ?! — კითხვითვე გაეპასუხა პართენა.

— რა იყო, აღარ იტყვი?

— რა იყო და მთელი დღე ჰკუაზე აღარა ვარ კაცი. ფულის გადამხდელი ვარ მე, ბიჭო? ჯიბეში ჩავიყოფ ხელს შე? არ მინდა, ძმაო, არაფერი არ მინდა! ა, შენი ფული. წაიღე უკან და, ვინც გინდათ იმან გადაიხადეთ, მე მაგის გამკეთებელი არა ვარ, ჯიბისკენ ხელს ნუ წამაღებინებ და, თუ გინდა, მომკალი!

პართენამ ჯიბეში ჩაუღო გოგიას დილით მოცემული ფული და შევებით ამოისუნთქა.

თამაზ სალუშვაძე



წმირბაშპარსაში, წითელცხვირა ან-
მახი ალაპლაპებული სამართლებით
თავზე ადგას პირგასაპნულ კლიენტს
და ეუბნება:

— ჩვენი ძმა! შარშან ბინებს შენ
ანაწილებდი მგონი, არა?!

— დიას, მაგრამ რატომ მეკითხე-
ბით?!

— ისე რა, მე ისევ ძველ ბინაში
დავრჩი და...

ოპტიმის მაღაზიაში

— ახლომხედველი ვარ, სათვალე
მინდოდა!..

— არა გვაქვს!

— იქნებ საწყობში შემოგრჩათ,
პატივისცემა ჩემზე იყოს!..

— შე კაი კაცი, ახლომხედველი
კი არა, შორსმჭვრეტელი ყოფილ-
ხარ, ადრე ვერ თქვი? სათვალის მე-
ტი რა გვაქვს!..

კახი პატიშვილი

ნათლობა

(იგავი)

ნათლობა ძერას ახულს
ჩამოჰკიდეს ყელზე ჭვარი,
განბანეს და მირიონი სცხეს,
ფრინველთ წესი როგორც არი.

უცხოციმებს შოხლებს თვალი,
(მოელიან, ალბათ, დიდ ძღვენს)
სუფრას ღვინო არ აკლია,
ჭიხვის ზორცი და ჩიტის რძე.

შემობრძანდნენ ერთიანად,
ვისაც ჰქონდა რამ ღირსება,
ხელგაშლილი მასპინძელი
ყველას მიეხალისება.

ზოგს უჭირავს ყვავილები,
ზოგი მოდის ვაჟაცუარად,
ათი ათას მანეთს უძღვნის
ოჯახს მწვერი —
სულ ნაღდ ფულად.

მოაგორეს მაცივარი
შეფარდნმა და მიმინომ,
მტრედმა ნოხი მოიტანა,
წერომ — თეთრი პიანინო.

ისახელა თავი შაშვმა,
ოფოფმა და ტყის ქათამმა,
გაიკრიფა ენად ღედა,
სულ დიმილად იქცა მამა.

ვით ილხინებს, ინადიებს
სარულყოფილად აღწერს ვინა?
იმდენი თქვეს, იმდენი სცეს —
ხის ტოტებზე მიეძინათ...

...

ეს იგავი, სხვათაშორის,
საღალღობოდ დაიწერა,
თორემ თავის ტურფა ახულს
განა ტყეში ნათლავს ძერა?

ვლადიმერ მისაბიშვილი



ფეხბურთი

დღეს ფეხბურთია, ფეხბურთი! —
ამ ფიქრით იყო შეპყრობილი მთელი
თბილისი.

და, აი, სამუშაო დღეც დამთავრდა.
სიგარეტი გავაბოლოე და არხეინად გა-
ვემართე გასასვლელისკენ. ჩემი ამბა-
ნაგები ისეთი თავდავიწყებითა და
ყიფინით გარბოდნენ, თითქოს სკოლის
მოწაფეები ყოფილიყვნენ.

— აბა, ჩქარა, ჩქარა, თორემ და-
გვაგვიანდება! — ყვიროდა შოთა და
გამწარებული მეჭარბოდა.

— არა, მე არ მოვდივარ! ახლა
კაციშვილი არ იქნება საპარიკმახე-
როში, არც აბანოში... ასეთ ბედნიერ
შემთხვევას ვერ გავუშვებ სელიდან!
ამის პასუხად შოთამ ისეთი თვა-
ლებით შემომხედა, თითქოს მეტყვას,
ფული მასესხე-მეთქი!

შევედი საპარიკმახეროში. კედელზე
დაკიდებულ დიდ სარკეებში მოწყენი-
ლად იმზირებოდნენ ცარიელი სკამე-
ბი. პარიკმახერები მრგვალ მაგიდას
უსხდნენ და გაცხარებით კამათობ-
დნენ.

— აი, ნახეთ, დღეს ჩვენები სამ
ბურთს გაიტანენ!

— კარგი ერთი, თუ ძმა ხარ! რა-
ტომ, ისინი ვერ გაიტანენ ვითომ?...
ბალახის საძოვრად კი არ არიან ჩა-
მოსულები.

— შენ რა გესმის ფეხბურთის!..

— გააჩუბდი! — წერილი ხმით
იყვირა ერთმა ჩია პარიკმახერმა, რო-
მელიც პირდაპირ რადიორეპროდუქ-
ტორში ძვრებოდა, — ფეხბურთი იწ-
ყება!

ჩავახველე. პარიკმახერებმა გაკვირ-
ვებით გადახედეს ერთმანეთს: ამას
რალა უნდაო.

— რა გინდა? — მკითხა ერთ-
ერთმა.

— რა მინდა? — რა? რა და, —
სულმთლად დავიბენი, — მე... მე...
თმა მინდა შევიკრიბო!

— მერე ახლა, შე კაცი? — პა-
რიკმახერებმა ისეთი გაოცებული თვა-
ლებით გადახედეს ერთმანეთს, გვეო-
ნებოდა, საპარიკმახეროში თმის და-
ცვის კვირული ტარდებოდა.

— ალბათ, აქაური არ არის! —
თქვა იმავე პარიკმახერმა.

— რიგს გითმობ, ძმაო, შენ გაპარ-
სე! — „გულკეთილობა“ გამოიჩინა
ჩია ტანის პარიკმახერმა. მაღალმა
პარიკმახერმა საშინელი გულგრილო-
ბით მიიღო ეს დათმობა...

საკრეჭი მანქანის ღულუნთან ერ-
თად, დაიწყო ფეხბურთის მარშიც.
როცა გუნდების შემადგენლობა გამო-
აცხადეს, მე და ჩემი პარიკმახერს
ისეთი გულისწყრომით შეგვხედეს და-
ნარჩენებმა, რომ ჩემმა დალაქმა საჩ-
ქაროდ გამოერთო მანქანა და თმაც
ამაგლიჯა კეფაზე.

— ვაი! — ვიყვირე მე.
— არაფერია! — დამამშვიდა პა-
რიკმახერმა.

კიდევ კარგი, რომ არ მპარსავენ,
— გავიფიქრე მე, სანამ სტადიონზე
მოთამაშეები განლაგდებოდნენ ე. წ.
ცნობილი თუ უცნობი სისტემების —
1-4-2-4; 1-4-3-3; 1-7-2-1; 1-10-0
— მიხედვით, ჩემმა პარიკმახერმა
გაკრეჭის ისეთი უახლესი სისტემა
აირჩია, რომელიც შეიძლება ის-
ტორიაში „აბა, მიდი, მიდი“ სახელ-
წოდებით შესულიყო.

ერთი სიტყვით, სულ მალე ჩემი
თავის ზედაპირი თბილისის დათხრილ
ქუჩებს დაემსგავსა.

უცებ მაკრატელი ჰერში გაშეშდა...

— შტანგა! — ერთხმად იორია-
ლეს პარიკმახერებმა და... ამჟერად
ჩემი ყური მაკრატლის პირში მოექცა.
საკმარისია, გმადლობთ! — ძლივს
ამოვიღულულე და წამოდგომა და-
ვაპირე.

— ახლავე! — თქვა პარიკმახერმა
და თმები კისერში ჩამაფერთხა, —
თავიუფალი ხარ! — თქვა მან და
ისიც რეპროდუქტორს მიუჯდა.
სარქაროდ აბანოში გავიქეცი, შეგ-
ვარდი შსაპქვეშ... მეგარდერობესთან
მივდი და ტანსაცმელი ვთხოვე.

— ჩუ! ჩუ! — ჩამაჩუმეს რადიო-
რეპროდუქტორებთან შექურებული
მეგობრებმა.

კარგა ხანს ველოდე. მერე შემცივ-
და და ისევ შსაპს მივაშურე, გადა-
ვისხი წყალი და იწვე კუთხეში ჩაგ-
ქეკი. მალე ძილიც მომეკიდა.

— ეჰ, წადი, ჩქარა, აილე ტანსაც-
მელი! — მექაჩებოდა ვილაყა, —
თორემ საცა ტრანსლაცია დაიწყება
ქუთაისიდან...

ჩავიციე და პირდაპირ სახლში გავ-
ვარდი.

ჩემი ბინის კარები ღია დამხვდა.
შევედი და რას ვხედავ: ოთახში ტევა
არ არის.

— რა მოხდა? — ვიყვირე თავ-
ზარდაცემულმა.

— ჩუმად! — მიყვირა მეზობელმა.
— ბურთი ოღნავ აცდა კარს! —
გამოაცხადა კომენტატორმა.


სამზარეულოში გავედი და, რაკი
სკამი ვერსად ვნახე, იატაკზე დავეშე
და ავევითონდი...

მორიგი მატჩის დღეს ფეხბურთის
ბილეთების რიგში ვიდექი.

ანდრო კოპოლია



ნახ. ლ. სიხარულიძისა




ნახ. ჯ. ლოლუასი



„ოჯალოს“ მე-100 წარმოდგენაზე

— კილის წინ ილტვი, დუღდუმონა?
— ბოინი წაიღე რა! უკვე მეთექვრმე
კითხვები!..

ნახ. მ. აბაშიძისა



— თუ ეს სახალხო თეატრია, ხალხი
სადღა?

ნახ. მ. აბაშიძისა




— შენი წარმოდგენა არ შეიძლება!
— მაგას მე რომ მეუბნები, ჩვენს რევიზორს
უთხარი!

ნახ. ჯ. ლოლუასი



— „ქურდი რომ ვიყუი!“
— მაინც რას იზამდი?
— არაფერს, უფროსო! ან გამოვსწორდებოდი, ან თავს მოვიკლავდი.


ნახ. ი. დოიაშვილისა



— სწორდით!



— ხომ გითხარი, იატაკს ერთ აღმღელზე დიდხანს ნუ ხეხავ-მეთქი?!



— თამარ მუხის საფლავი თუ იცი სად არის?
— ვიცოდი და დამავიწყდა, კაპიტანოვო!
— ყველაფერს გააკტივებ და მაგას ვერა, ერთადერთ კაცს გცოდნია
და რისთვის დამეცხუა?!

მეზღუდული

პოლკოვნიკი, მილიციის უფროსი — თავის მო-
კლბილს: ამხანაგო ნიკოლოზ: ყური მიგდეთ და
შეასრულეთ ჩემი განკარგულება: ხვალ, ზუსტად 9
საათზე, მზის დაბნელებაა, რაც, ცნობილია, ყოველ-
დღე არ ხდება. მთელი პირადი შემადგენლობა გა-
მოვიდეს ეზოში, ყველამ იქონიოს შებოლილი მინის
ნატეხები, რათა შესაძლებლობა იქნეთ თვალყურით
აღევნონ ამ იშვიათ მოვლენას. მე კი მათ ახსნა-გან-
მარტებას ჩავეუტარებ. თუ წვიმა იქნა, სულ ერთია,
არაფრის დანახვა არ შეიძლება. ამიტომ ხალხი
კლუბში შეკრიბეთ!

მოკლბილ — მაიორს: პოლკოვნიკის ბრძანე-
ბით, ხვალ, 9 საათზე, მოხდება მზის დაბნელება.
წვიმის შემთხვევაში მას თქვენ ეზოში ვერ დაინა-
ხავთ, ამიტომ დაბნელება კლუბში ჩატარდება, რაც
ყოველდღე არ ხდება. იქონიეთ შავი მინები!

მაიორი — კაპიტანს: პოლკოვნიკის ბრძანებით,
ხვალ, დილის ცხრა საათზე, კლუბში მოეწყობა

მზის საზეიმო დაბნელება. თუ საჭირო იქნა წვიმა,
პოლკოვნიკი ამის შესახებ გამოსცემს განსაკუთრებულ
ბრძანებას, რაც ყოველდღე არ ხდება, ამიტომ კლუ-
ბში ჩამტვრიეთ მინები!

კაპიტანი — ლეიტენანტს: ხვალ, ცხრა საათზე,
პოლკოვნიკი კლუბში დააბნელებს მზეს, რაც ყოველ-
დღე ხდება მოწმენდილ ამინდში. წვიმის შემთხვევა-
ში კი — ეზოში. არ დაგავიწყდეთ მინების ჩასმა.

ლეიტენანტი — სერჟანტს: ხვალ, ცხრა საათზე,
მზის მიზეზით მოხდება პოლკოვნიკის დაბნელება.
თუ კლუბში წამოვა წვიმა, რაც ყოველდღე არ ხდე-
ბა, ეზოში შეკრიბეთ ხალხი და ჩაალეწეთ მინები!
საუბარი მილიციის უფროსის: კაპო, გაიგე? ხვალ
თუ წვიმა იქნა, ჩვენს კლუბში მზე დააბნელებს
პოლკოვნიკს. გაუგებარია, რატომ არ ხდება ეს
ყოველდღე?!

გერმანულიდან გადმოაქართულა
ბ. ჯაფარიშვილმა

ამ ზაფხულს შავი ზღვის სანაპიროზე ვიხსენებ-
დი. გადაუღებელი წვიმებისა და ცუდი ამინდების გა-
მო ოთახიდან ცხვირი ვერ გამოვყავი. ჩემს მეზობელ
ოთახში ჩვენი ქვეყნის ერთ-ერთი უმსხვილესი ქალაქის
მკვიდრი, თავისი ქალაქის დიდი პატრიოტი ცხოვრობდა.
თავგამოდებით მიმოიკიებდა, ჩემი ქალაქი შენ თბილისს
ჩიბეში ჩაისვამსო. ქალაქებს შორის მეგობრული შეგიბ-
რებები დღეს მოღაშია, ზოგად, მეც გამოვუცხადე ჩემს
„მოწინააღმდეგეს“ გამოშვებულობისას: მოდი, წერილზე-
ბით ვეპატიროთ ერთმანეთს, ზუსტად, პირუთვნელად
აღვწეროთ ჩვენი ქალაქების დადებითი მხარეები; და-
მარცხებული გამარჯვებულის ქალაქში გადავიდეს სა-
ცხოვრებლად-მეთქი. შევთანხმდით. პირველი წერილი
უკვე მივიღე. მინდა, „ნიანგი“ იყოს ჩვენი მსაჯული,
ამიტომ, ჩემს პასუხს თქვენი ჟურნალის საშუალებით
ვუგზავნი ჩემს მეტოქე მეგობარს.

წერილი პირველი

რად მიყვარს ჩემი სანაპირო?

შენი წერილი მივიღე. მეურ: მე და ჩემი მეგობა-
რი სანაპიროზე მივესირობდით და შენ გამახსენდიო.
ჰმ! დიდი ამბავი — სანაპიროზე! ალბათ, მოგეხსენება,
რომ მსოფლიოში რაც საუკეთესო ქალაქია და რო-
მელსაც მდინარე ჩაუდის, ყველას აქვს სანაპირო. იგი
არის ამ ქალაქის მშვენიერება, სიამაყე, იქაურ მაცხოვ-
რებელთა საყვარელი ადგილი. ასეა ჩვენთანაც. ორთა-
ქალიდან დიღომამდე გასდევს მტკვარს მარცხნივ და
მარჯვნივ შესანიშნავი სანაპირო. ამ წერილს რომ მი-
იღებ, ალბათ, მისი სიგრძე კიდევ რამდენიმე კილო-
მეტრით გაიზარდება, რადგან სანაპიროს მშვენიერობა
აგერ უკვე ოცდაათიდან წელია გრძელდება და,
შეიძლება, ერთ მშვენიერ დღეს მისმა ჯებირებმა შენს
ქალაქშიც ამოყოს თავი. ახლა იმას მოგახსენებთ,
თუ რითია მომხიბლავი ჩვენი სანაპირო. თბილისი
სამხრეთული ქალაქია და მზის მცხუნვარება სხვებზე
მეტად გვაწუხებს. ამიტომ სანაპირო ჩვენი ქალაქი-
სთვის დიდად სასარგებლო და საჭირო ატრიბუტია.
განსაკუთრებით ზაფხულში. მთელი ახალგაზრდობა
საღამოობით სანაპიროზე იკრიბება, მთავარი პროს-
პექტები (რუსთაველისა და პლენხანოვის) უდაბნოს ემს-
გავსება, გულს ახარებს მოსეირნე წყვილები და ჭა-
ბუკების ჯანსაღი სიცილ-კისკისი. სიცილ-კისკისის სა-
ბაბი კი უამრავია: ჩვენი სანაპირო დღის სინათლე-
ებით არის გაბრძნობილი, ყოველ ნაბიჯზეა გა-
მაგრებული წყლების კიოსკები, კაფეები, სხვადას-
ხვა სახის გასართობები; აქვეა რამდენიმე საზღვრული
კინოთეატრი, საესტრადო დარბაზები, კლუბები.
მტკვარზე ზღაპრული გედებებით დასრიალებენ ხალ-
ხით სავსე კატერები, მუსიკის მხიარული ჰანგები ავ-
სებს მთელ სანაპიროს. დაჩრდილულ ხეივანში შეგ-
იძლია თავისუფლად ისეირნო შენს გულისწორთან.
ერთი წუთითაც არ შეგაწუხებს იმის შიში, რომ ვინ-
მე დაგირღვევს მყუდროებას. ერთი სიტყვით, სანაპი-
რო თბილისის მშვენიერებაა, ახალგაზრდობის საყვარელი
თავშესაყარი ადგილია. რაც ყველაზე სასიამოვნოა,
ყველაფერი ეს თვით ახალგაზრდობის ხელითაა შექმ-
ნილი. ასე რომ ძალიან გთხოვ, თავი დაანებე ტრა-
ბას და შენი ქალაქის სანაპიროს ქებას.

თბილისის დანარჩენ ღირსშესანიშნაობებზე სხვა
დროს მოგწერ. ახლა კი მეჩქარება, სანაპიროზე მივე-
შურები სასეირნოდ.

შენი მეგობარი-მეტოქე კოლია მორთიკაძე




რწყილი და ჭიანჭველა დამოძლიან და გაუდგნენ გზას. ბევრი იარეს თუ ცოტა იარეს, მიადგნენ ერთ სახინკლეს. რწყილმა უთხრა ჭიანჭველას: მოდი, ერთი ჩვენი დამეგობრებისა გადავკრათო და სახინკლეში ჩავიდნენ. ცხელ-ცხელ ხინკალს ლუღში არეული არაყი დააყოლეს. თან მტკიცე და განუყრელი მეგობრობის სადღეგრძელოც თქვეს. მეგობრობის თბილი გრძნობით გულაჩუყებულმა ცრემლებიც კი ღვარეს და კარგა ხანს ტუჩებში კოცნეს ერთმანეთს, მერე სიმღერაც წამოიწყეს: „ჩახედე მეგობარს თვალებში...“ სიმღერით რომ გული იჯერეს, პროსპექტზე ამოვიდნენ. პროსპექტზე ჭიანჭველამ ურნას ფეხი ჰკრა და ააყირავა, რწყილმა კი პროსპექტზე მიმავალ ჩატქვირებულ მანდილოსანს ისე მწარედ უკბინა მარცხენა ძუძუზე, რომ საბრალო ქალმა სიმწრისგან კივილი მორთო. ქალის კივილი რომ გაიგონა სახალხო რაზმელმა, იფიქრა, ხულიგნები მოდიანო და თავგზააბნეულმა მოკურცხლა.

რწყილმა და ჭიანჭველამ არხეინად განაგრძეს გზა. პროსპექტი რომ გაიარეს, ერთ მდინარეს მიადგნენ. რწყილი ახტა, დახტა და მდინარის მეორე ნაპირზე დახტა. ჭიანჭველა ახტა, დახტა და შიგ შუა მდინარეში ჩავარდა. მდინარეში ჩავარდნილი ჭიანჭველა რომ დაინახა, რწყილი სიცილით მიწაზე დაეცა... იცინა, იცინა და სიცილს რომ მორჩა, ჭიანჭველას გადასძახა: თუ მეტის დაღევა არ შეგეძლო, ვინ გაძალბდა, შე უჯიშო.

წყლით პირავსილმა ჭიანჭველამ რომ არაფერი უბასუხა, რწყილმა ერთხელ კიდევ გულიანად გადაიხარხარა და გაუდგა გზას. მიდიოდა არხეინად და მიმდევროდა: „ჩახედე მეგობარს თვალებში ი!“

ბეჟან სვანიძე

ნახ. ნ. მანუკიანისა



უსიტყვოდ.

რ ე ვ ა ნ შ ი

ერთხელ ვიყავი ცოლ-შვილით მოყვრებთან, სოფელ სევამში... მერე კი ჩემმა სიღერმა თვითონ აიღო რევანში. ყოველ წელიწადს ჩამოდის და ჩემთან რჩება ნამატით, მბარებს თავის მონაგარს ნიჭით, ცოდნით და ტალანტით. ავთანდილს ვეჭილობა სურს, ეჭიმობა კი — ფაციას, ჩემს გაწვალბულ კისერზე დაწერენ დისერტაციას. ნუგზარი კრიფი ვარჯიშობს, ჩემთან ატარებს რაუნდებს,

ჯერ ვერ მიბედავს ნოკაუტს, გულში რა ვიცი, რა უღევს? ვახტანგი სარეჯისოროდ კითხულობს ლექსებს, ანდა-ზებს

და სადილობო სპექტაკლად ჩემს სახლში „რღვევას“ ამზადებს.

სტუმარი ყველა ღვთისაა, ოჯახს ზალისით ავსებენ, წელს ახალ ნაკადს მოგვლი, ვნახოთ, სად მოგვათავსებენ.

სერგო აბაიშვილი



უსიტყვოდ.

პოლიგრაფიკონი

ორ — ორცხობილა
სშ — სუკი შვლის
ოთ — ოთლო-ოთლო — „ოთლო
კვერცხი“ (ს ა ბ ა)
სშ — ხაჭაპური — უმარილო ყველის-
გან დამზადებული
პრ — პრასა
შბ — შნიცელი და ბიფშტეკი
კვ — კვახი
მოგვ — თავზე ოფლ გადა მს-
კ დ რ მ ა ბევრი ფიქრის შემდეგ, გავშიფრე
თბილისის პოლიგრაფიკონის ლა-
ბორატორიის მიერ გამოშვებული 1967
წლის ეს ტაბელ-კალენდარი.

გ. შ.ძი

ი ა ნ ვ ა რ ი	თ ა ბ რ ე ლ ი	ს ე პ ტ ე მ ბ
ორ 2 9 16 23 30	6 13 20 27	6 13 20 27
სშ 3 10 17 24 31	7 14 21 28	7 14 21 28
ოთ 4 11 18 25	1 8 15 22 29	1 8 15 22 29
ბუ 5 12 19 26	2 9 16 23 30	2 9 16 23 30
პრ 6 13 20 27	3 10 17 24 31	3 10 17 24 31
შბ 7 14 21 28	4 11 18 25	4 11 18 25
კვ 1 8 15 22 29	5 12 19 26	5 12 19 26
ა პ რ ი ლ ი	მ ა ი ს ი	ი უ ნ ი ს ი
ორ 3 10 17 24	1 8 15 22 29	5 12 19 26
სშ 4 11 18 25	2 9 16 23 30	6 13 20 27
ოთ 5 12 19 26	3 10 17 24 31	7 14 21 28
ბუ 6 13 20 27	4 11 18 25	1 8 15 22 29
პრ 7 14 21 28	5 12 19 26	2 9 16 23 30
შბ 1 8 15 22 29	6 13 20 27	3 10 17 24
კვ 2 9 16 23 30	7 14 21 28	4 11 18 25
ი ა ლ ი ს ი	ა მ ბ ი ს ე მ	ს ე პ ტ ე მ ბ
ორ 3 10 17 24 31	7 14 21 28	4 11 18 25
სშ 4 11 18 25	1 8 15 22 29	5 12 19 26
ოთ 5 12 19 26	2 9 16 23 30	6 13 20 27
ბუ 6 13 20 27	3 10 17 24 31	7 14 21 28
პრ 7 14 21 28	4 11 18 25	1 8 15 22 29
შბ 1 8 15 22 29	5 12 19 26	2 9 16 23 30
კვ 2 9 16 23 30	6 13 20 27	3 10 17 24
ო კ ტომბერი	ნოემბერი	დეკემბერი
ორ 2 9 16 23 30	6 13 20 27	4 11 18 25
სშ 3 10 17 24 31	7 14 21 28	5 12 19 26
ოთ 4 11 18 25	1 8 15 22 29	6 13 20 27
ბუ 5 12 19 26	2 9 16 23 30	7 14 21 28
პრ 6 13 20 27	3 10 17 24	1 8 15 22 29
შბ 7 14 21 28	4 11 18 25	2 9 16 23 30
კვ 1 8 15 22 29	5 12 19 26	3 10 17 24 31

თბილისი, პოლიგრაფიკონის ლაბორატორია გ. შ. შ. 5.14.

მთავარი რედაქტორი ნოდარ დუმბაძე. სარედაქციო კოლეგია: ზ. გოლჭვაძე (პ/მზ. მდივანი), ს. კლდიაშვილი, ნ. მაღალაშვილი, გ. ნიშნინიძე (მთავ. რედ. მოადგილე), ნ. შვილიძე, მ. ჭელიძე. საბირისა და იუზორის ჟურნალი „ნიანგი“.

თბილისი, რუსთაველის კროსავაძი № 42, ტელ. 9-76-69, 3-10-78. Тбилиси. Сатирико-юмористический журнал „Ниянги“. საბ. კვ ცენტრალური კომიტეტის ბაზოვცემლობა. ხელმოწ. დასაბ. 26/IX 1967 წ. ზომა 70x108/16 0,5 ნახ. ფურც. 1,37. ფიზიკურ ფორმატა რაოდენობა 0,5, პირობით ფორმატა რაოდ. 1. საბ. კვ ც-ის ბაზოვცემლობის პ/კომიტეტი. თბილისი, ლენინის ქ. № 14. შიპ. № 3588 უი 02236 ბირაბი 71.000.


ფრანს პრესის სააგენტო იუწყება, რომ ახალი კანონით საბერძნეთში ზეთი კაცის შეხვედრისთვისაც კი საჭიროა პოლიციის სპეციალური ნებართვა.

67-699

1/1967

გერმანული
ბიბლიოთეკა

КОНТРОЛЬНЫЕ
ЭКЗЕМПЛЯРЫ



— თქვენ არ წაგიკითხავთ ბრძანება, რომ 5 კაცის ერთად თავმოყრა აკრძალულია? ახლავე გააქმეთ გარეთ ორი ბავშვი!